



LA REMONSTRANCE
S V S D I C T E FA I C T E, S A
Majesté reprint la parolle, Disant,

MESSIEURS, vous avez ouy la teneur de mon Edict, & entendu la qualité d'iceluy, & la grandeur & dignité du serment que vous allez presentement rendre: Et puis que ie voy voz iustes desirs tous, conformes au mien, ie iureray, comme ie iure deuant Dieu en bonne & saine conscience, l'observation de ce mien Edict tant que Dieu me donnera la vie çà bas: veux & ordonne qu'il soit obserué à iamais en mon Royaume pour loy fôdamétale, & en tesmoignage perpetuel de la correspôdâce, & consentement vniuersel de tous les Estats de mon Royaume, vous iurerez presentement l'observation de ce mien Edict d'Vnion, tous d'une voix: mettant par les Ecclesiastiques, les

mains à la poitrine, & tous les autres le-
uans les mains au ciel.

*Ce qui fut fait avec grand applaudisse-
ment & acclamation de tous, crians, Vive
le Roy.*

Case

F

39

1326

1588 fr



S A MAIESTE A VOVLV

*QV' IL FVST DRESSE VN
Acte de Serment , qu'elle faict selon
qu'il est cy apres declaré , pour seruir de
memoire perpetuelle d'un acte si so-
lemnel.*

A VIOVRD'HVY dixhuietiesme
iour d'Octobre, mil cinq cens
quatre vingts huiet , Le Roy
seant à Bloys, en pleine assem-
blee des Estats generaux de son
Royaume: A iuré en sa foy & parole de Roy
de tenir & obseruer la presente loy en tout
ce qui dependra de sa Majesté. Et Messei-
gneurs les Cardinaux de Bourbon, de Ven-
dosme , Comte de Soissons, Duc de Mont-
pensier, Cardinaux de Guyse, de Lenon-
court, & de Gondy, Ducs de Guyse , de
Nemours, de Neuers, & de Rets, Mon-
sieur le garde des Seaux de France , & plu-

seurs autres seigneurs, tant du Conseil de
 sa Majesté, que deputez des trois Estats de
 ce dict Royaume, ont iuré de garder & en-
 tretenir inuiolablement ladite Loy, tant en
 leurs noms propres & priuez, que pour l'E-
 stat & les Prouinces, qui les ont deputez
 pour se trouuer en ceste assemblée general-
 le des Estats: Moy Ruzé Secretaire d'Estat
 & des Commandemens de sadiete Majesté
 present.

5

C E faiet sa Majesté tesmoigna le grand desir qu'elle auoit de mettre fin à ceste assemblée, & pourueoir à tous ses subiects, sur leurs iustes plaintes, & doleâces, & pour cest effect promet ne se departir de la ville de Bloys, iusques à l'entier paracheuement de la tenue desdicts Estats, Ordonnant pareillement à tous ceux de ladicte assemblée, de ne s'en departir aucunement. Dont sa Majesté fust remerciée de toute l'assistance.

L'assemblée se retirant sa Majesté, avec les Roynes, Princes, Princesses, Messieurs les Cardinaux, Prelats, & autres Sieurs, avec tous les deputez des trois Estats, alla en l'Eglise de S. Sauueur faire chanter le Te Deum, où ils furent tousiours accompagnés du commun consentement, & voix generale de tout le peuple, criant, Viue le Roy, & monstrant vne extreme ioye & allegresse.

sommaire du Priuilege.

PAr Priuilege special du Roy donné à Bloys le xxj. iour d'Octobre, signé par le Roy estant en son Conseil, Habert: & seellé du grād seel dudit Seigneur en cire iaulne sur simple queuë, il est permis à Federic Morel son Imprimeur ordinaire & à Iamet Mettayer, aussi Imprimeur dudit Sieur d'imprimer, ou faire imprimer, vendre & debiter les ordonnances qui seront par sa Majesté faictes, resolues & arrestées en l'assemblée des Estats generaux tenus à Bloys, avecques les harangues, oraisons, remonstrances & Caiers, qui auront esté sur ce faictes, sans qu'autres Libraires, & Imprimeurs les puissent Imprimer, ne faire imprimer, sur les peines y contenues.



THE UNIVERSITY OF CHICAGO

LIBRARY

OF THE

PHYSICAL SCIENCES

AND

ENGINEERING

CHICAGO, ILL.

1900

1901

1902

1903

1904

1905

1906

1907

1908

1909